

27.03.2021

Frå Arvid Villanger

Rossnesvegen 414

5937 Bøvågen

Til Viltforvaltninga i Alver kommune

Søknad om godkjenning av vald /endring av vald

Eg vil med dette søkja om å få oppretta eit eige vald på eigen eigedom. Eg meiner eigedomen min har ein samanhengande og avgrensande form som gjer den svært godt eigna for jakt på hjort. Eigedomen innfrir minstekrava til teljande areal med 143 dekar «produktiv skog» og 237 dekar «anna markslag» (sjå vedlagd kartutskrift frå gardskart bnr. 418/9 og 418/6). Dette utgjer 380 dekar og overstig minstekrava til teljande areal. I tillegg meiner eg innmarksbeitet på 23,8 dekar skal telja med, då dette ligg i det tråkket der hjorten går. Hjorten vart i haust også observert rett nedanfor huset mitt, og går også på dyrka mark. Hjortetråkket over dyrka mark er observert i fleire generasjonar. –her har hjorten alltid gått. Slik sett kan dyrka mark som ligg i hjortetråkket også reknast med. Eg kjenner med difor trygg på at eg har meir enn nok areal til å stetta minstekrava.

Årsaka til at eg ønskjer å oppretta eige hjortevald på garden er at eg vil samarbeida med min bror, Willy Villanger om hjortejakta. Willy har eige hjorteslakteri på Austrheim og skyt over 20 hjort i året på Austrheim.

Ei anna årsak til at eg ønskjer å oppretta eit eige hjortevald her på garden min, er at hjortevaldet som har vore i området, har gått i oppløysing grunna samarbeidsvanskar. Det er såleis ikkje noko anna hjortevald her på Villanger etter det eg kjenner til.

Ei tredje årsak til at eg søker om å oppretta eige hjortevald på min eigedom er at eg har vore i konflikt og rettssak med naboar som har drive hjortejakt her på Villanger. Eg ønskjer ikkje å gå til naboar eg er i sterk konflikt med for å henta hjortekjøtt. Det finst ikkje samarbeidsgrunnlag for meg med desse naboane, og eg vil ikkje under noko omstende tillata at desse naboane får jakta på min eigedom.

Mvh.

Arvid Villanger